

avaluació educació primària

curs 2013-2014

ENGANXEU L'ETIQUETA
IDENTIFICATIVA EN AQUEST ESPAI

competència lingüística: aranès

instruccions

- Aguesta pròva a tres parts:

Ena prumèra part, as d'escotar ua dictada e as de completar es espacis en blanc.

Ena dusau part, as de liéger atentament dus tèxtes e respóner ues questions sus aquerò qu'as liejut.

As de respóner totes es questions mercant damb ua X era caseta corresponenta ena huelha de responses.

Sonque i a ua resposta corrècta entà cada question. Se t'enganhes, as de raiar tot eth carrat e tornar a mercar damb ua X era resposta corrècta.

Ena tresau part, as d'escriuer un tèxte sus eth tèma que se te demane.

- Quan acabes non te descuedes de respóner ara question que i a ara fin dera pròva.

- Entà hèr era pròva as de besonh un bolígraf.

DICTAT

Ara escotaràs un tèxte tres viatges. Eth prumèr ei entà comprener-lo ben, eth dusau ei entà completar es espacis en blanc e eth tresau ei entà repassar aquerò qu'as escrit.

TARDE DE PLOJA

Dehòra de casa eth clima ei reaument _____.

0-1
 a

Tota era tarde era temperatura exteriora a estat ben baisha.

0-1
 b

Non _____ eth solei e de forma intermitenta era ploja a hèt acte de preséncia, hènt _____

0-1
 c

_____ grisós dissipe toti es cornèrs des carrers dera ciutat. Encara que non plò fòrt, ei sufisen com entà qu'a _____ persona se li'n vagen es ganes de gésser a hèr un _____.

0-1
 d

Laguens de casa se pòden enténer uns arrirs _____

0-1
 e

damb un frenetic e incessant sorrolh que sone atau: chac-chac-chac.

0-1
 f

Tanben podem enténer que bèth un cride: "Un, dus, tres, quate e... cinc! L' _____ , tà casa e ne _____ vint.

0-1
 g

Ei eth segon _____ que vau tà casa! Non arribarè –respon bèth un damp votz resignada. De hons, era ràdio aumplís es escassi moments de _____ .

0-1 0-1
 h i

0-1
 j

Sense doble, ja _____ pogut dedusir qué passe en aguesta casa. Son un petit grop d'amics que jòguen ath parchís, un des jòcs de taula tradicionaus mès divertits.

0-1
 k

0-1
 l

TÈXTE 1

Lieg aguest tèxte damb atencion e triga era resposta corrècta a cada question. Mèrca-la ena huelha de responses.

ETH PARCHÍS

Lèu podem afirmar que non i a arrés que non age jogat bèth viatge ath parchís, o se mès non, que non age vist com s'i jògue. Ei un jòc qu'auem incorporat ara nòsta cultura e dilhèu jamès mos auem demanat quines son es sues origines e quin ei eth significat des sues règles basiques.

Eth parchís ei un jòc derivat deth *pacisi*, era origina deth quau se tròbe ena Índia en siècle xvi. Eth *pacisi* tradicionau se jogaue sus un taulèr en forma de crotz e confeccionat damb ròba, que se plaçaue dessús d'ua taula o simplement en tèrra e ath dessús i lançauen vint-e-cinc caurís, uns casquelhs de molluscs de viui colors e especiau ludentor, que hègen a servir de dats, e qu'en d'auti temps auien utilizat coma moneda. *Pacisi* signifique vint-e-cinc en hindi.


A mès de petits taulèrs, tanben trobam taulèrs de *pacisi* ben luxosi enes palais d'Agra e Allahabad, ena Índia. Son taulèrs immensi elaboradi damb marbre blanc e vermelh.

I auec un emperador, Akbar I eth Gran, que governèc ena Índia des de 1556 enquia 1605. Explique era legenda qu'ère ben afeccionat a jogar ath *pacisi* damb es nobles deth sòn país, encara que, certanament, jogaue d'ua manera ben particulara. Es fíches, que se botjauen d'acòrd damb era puntuacion qu'obtiege er emperador, èren es gojates mès bères deth país, e se desplaçauen d'ua caseta tara auta entre es arbilhons e es arbes deth florit jardin. Eth destin des jogadors ère eth tròn der emperador qu'ère plaçat en centre deth jardin.

Eth parchís actuau

Eth parchís modèrn, atau com lo coneishem ena actualitat, siguec introduosit ena Gran Bretanya en 1896. Es britanics auien fòrça interès en descorbir tot aquerò qu'ère relacionat damb era cultura índia e es sues tradicions. Lèu exportèren aguest jòc tàs Estats Units, a on se hec popular rapidament.

Eth hèt qu'es règles deth jòc èren ben faciles e qu'ère de bon prètz, hec que se convertisse en un jòc ben coneishut. Eth parchís modèrn a quauques diferéncies respecte ath jòc tradicionau indó: s'aumentèc eth nombre de casetes, s'incorporèren es dats, es taulèrs se heren de carton e se modifiquèren es règles basiques. Eth parchís arribèc en Espanya cap a 1920.



<http://www.rosaspage.com/art/eparchis.html> (tèxte adaptat)

TÈXTE 1

1. Era origina deth parchís la trobam en...

- a. Gran Bretanya.
- b. Estats Units.
- c. era Índia.
- d. Espanya.

2. Triga era opcion corrècta entà completar era frasa. (Non cau que la còpies en espaci en blanc.)

Eth parchís forme part dera nòsta cultura, totòm _____ coneish, petits e grani.

- a. la
- b. i
- c. lo
- d. ac

3. Es prumèrs taulers de parchís se hègen de...

- a. tela.
- b. carton.
- c. husta.
- d. casquelhs de mollusc.

4. Pacisi ei eth nòm originau deth parchís en lengua...

- a. hindi.
- b. anglesa.
- c. catalana.
- d. castelhana.

5. Qué signifique ‘luxosi’ (soslinhat en tèxte)?

- a. Grani.
- b. Rics.
- c. Ludents.
- d. Luminosi.

TÈXTE 1

6. Er emperador Akbar I jogaué ath *pacisi* ‘d’ua manèra ben particulara’.
Açò vò díder que...

- a. jogaué solet, contra eth madeish.
- b. non lo vedie arrés e chicanaué.
- c. non li agradaue pèrder cap de partida.
- d. jogaué damb un taulèr e ues fiches especiaus.

7. Eth taulèr deth parchís der emperador Akbar I ère...

- a. en ua sala deth palai.
- b. dessús d’ua taula.
- c. en un des sòns jardins.
- d. sus un marbre blanc.

8. Qué signifie ‘popular’ (soslinhat en tèxte)?

- a. Rapid
- b. Coneishut.
- c. Facil.
- d. Particular.

9. Quan arribèc eth parchís en Espanha?

- a. Abans der an 1896.
- b. Abans d’arribar ena Gran Bretanya.
- c. Després d’arribar enes Estats Units.
- d. Ath madeish moment qu’enes Estats Units.

10. Eth parchís actuau se hec fòrça popular perqué...

- a. ère de bon prètz e es règles èren faciles.
- b. eth taulèr ère de diuèrsi colors.
- c. ère diferent deth jòc originau.
- d. es britanics ac voleren.

TÈXTE 1

11. A continuacion as ues frases que s'identifiquen damb es letres A-B-C-D. Triga era opcion corrècta que les ordene segontes eth tèxte:

A.
Es britanics
descorbiren eth
parchís e l'exportèren
tàs Estats Units.

B.
Eth parchís arribèc
en Espanha.

C.
Eth parchís se
jogaue en taulèrs
diboishadi en
solèr des palais.

D.
Eth parchís se
jogaue en taulèrs
en forma de crotz
ena Índia.

- a.** D → C → A → B
- b.** C → D → B → A
- c.** D → C → B → A
- d.** A → B → C → D

12. En qué se semblén eth parchís modèrn e eth parchís tradicionau indó?

- a.** Es règles deth jòc son es madeishes.
- b.** A eth madeish nombre de casetes.
- c.** Se hèn a servir es madeishi tipes de dats.
- d.** Es dus se jòguen sus un taulèr.

13. Quina des proposicions següentes ei ben puntuada?

- a.** Eth parchís, era auca e es escacs son jòcs ben coneishuts en mon.
- b.** Eth parchís, era auca, e es escacs, son jòcs ben coneishuts en mon.
- c.** Eth parchís, era auca e es escacs, son jòcs ben coneishuts, en mon.
- d.** Eth parchís, era auca e es escacs son, jòcs ben coneishuts en mon.

14. Quin ei eth tèma principau d'aguest tèxte?

- a.** Es jòcs tradicionaus dera Índia.
- b.** Era istòria deth parchís.
- c.** Eth parchís ena Gran Bretanya.
- d.** Es règles deth jòc deth parchís.

TÈXTE 2

Lieg aguest tèxte damb atencion e triga era resposta corrècta a cada question. Mèrca-la ena huelha de responses.

ERA CORSA DETH PORTILHON

Cada an, eth segon dissabte de mai (s'eth mau temps non ac espatlaue), participàuem ena corsa deth Portilhon. Fòrça companhs de classa i venguen entà animar-mos. Cada gèst e cada crit d'encoratjament que mos dauen ère ua injeccio de fòrça enes cames. Non les podíem decéber.

Aguest ère eth tresau an que i participàuem Rogèr, Bet e jo. Se tractau de hèr toti es marrècs de pujada dera carretèra deth Portilhon, passar per darrèr dera crotz de pèira que i a en Portilhon, e engulhar era entrada deth pòble. En tot, dètz-e-ueit quilomètres qu'auíem de hèr, esforçant-mos a pedalar ben de prèssa ena pujada e arriscant un shinhau ena baishada, se volíem hèr un bon papèr.



Un mes abans dera corsa acostumàuem a trobar-mos toti tres entà entrenar amassa. Mos probàuem es dissabtes ath maitin e hègem eth recorrut dus còps.

Bet ei polida; a es uelhs arridenti e eth peu escuro. Ei amabla damb toti e jamès l'è entenuda a planher-se. M'grade Bet. E a Rogèr me sembla que tanben. Dilhèu per aquerò s'ac a hèt a vier ben un parelh de còps entà deishar-me plantat, després de díder a Bet que jo non i poderia anar per non sabi qué deth piano o porque èra malaut. A mès, presumís un shinhau damb eth casc que pòrt e es lunetes de darrèra mòda. A viatges, Rogèr ei un shinhau vantariòl.

Ager hègem eth darrèr entrenament abans dera corsa. Rogèr m'acabaue d'auançar hège un moment e, tot siguec virant en un marrèc, desapareishec. Non se lo vedie enlòc, ne arturat en un bòrd, ne lançat tot dret e enjós. S'auie volatilizat.

Per un instant auí un dopte: m'arturaua tà cercar-lo o seguia carretèra enjós, e atau poderia cronometrar eth temps abans dera corsa. En una situacion normau non auria dobat bric: m'auria arturat entà veir qué passau. Mès des de hège un temps Rogèr me n'auie hèt de toti es colors. E ara non èrem tan amics com abans.

Encara atau, ua lum vermelha se m'aluguèc en cervèth: dilhèu Rogèr s'auie hèt mau e l'auia d'ajudar. Sense pensar-m'ac mès, reculè entà veir de resòlver aqueth mistèri. Anaua campant per toti es costats, resseguint laurentines, casses e arboci. Alavetz entení un gemèc. E, d'entre ues rominguères gessie un pneumatic d'ua arròda. Aquiu qu'ère Rogèr...

TÈXTE 2

Aqueth maitin, eth dia dera corsa, jo anaua ben esgarrapat. È corrut, ensús enquiatth cap deth Portilhon, bohant, e enjós un aute còp, enquia trauessar era meta. Ne Bet ne jo non mos auem emportat cap de medalha. Totun non podiem èster mès contents. Seigudi en ua cagira, ath cant de sa mama, era cama en plastre e un uelh damp bendatge, Rogèr mos demoraue entà felicitar-mos. Damb pro penes se li entenie era votz quan diguec: "Voleratz anar a cercar mores ara fin der ostiu?"

Albert Garriga Pujol, *Cavall Fort*, núm. 1166 (adaptat ar aranés)

15. Era corsa deth Portilhon se hè...

- a. a pè.
- b. corrent.
- c. en bici.
- d. en mòto.

16. S'eth mau temps non ac espatlaue signifie que se hège mau temps...

- a. les calie mès temps entà arribar ena meta.
- b. participarien de totes manères.
- c. se variarie eth recorрут.
- d. non i participarien.

17. Qué significa 'decéber' (soslinhat en tèxte)?

- a. Desillusionar.
- b. Enganhar.
- c. Convéncer.
- d. Suspréner.

18. Guaire ans an participat ena corsa es protagonistes, compdant aguest an?

- a. Un.
- b. Dus.
- c. Tres.
- d. Quate.

TÈXTE 2**19. Per on passe eth recorrut dera corsa?**

- a. Peth camin deth plan.
- b. Peth darrèr dera crotz.
- c. Peth miei deth bòsc de casses.
- d. Peth pòble que i a a dètz-e-ueit quilomètres.

20. Qué signifique ‘hèr un bon papèr’ (soslinhat en tèxte)?

- a. Pedalar ben de prèssa.
- b. Non cansar-se massa.
- c. Trobar-se entà entrenar amassa.
- d. Auer ua bona posicione.

21. Quan comencen er entrenament es tres amics?

- a. Eth mes d'abriu.
- b. A darrers der estiu.
- c. Eth segon dissabte de mai.
- d. Quinsevolh dia deth mes de mai.

22. Rogèr a deishat plantat ath sòn amic un parelh de viatges perque...

- a. a d'anar tara leçon de piano.
- b. vò estar solet damb Bet.
- c. li hè ua farça.
- d. ei malaut.

23. Eth narrador ditz que Rogèr ‘ei un shinhau vantariòl’ (soslinhat en tèxte).**Açò vò díder que...**

- a. non ei guaire simpatic.
- b. tostemp va deuant.
- c. a viatges non salute.
- d. soent presumís d'aquerò qu'a.

TÈXTE 2

24. Triga era opcion corrècta entà completar era frasa. (Non cau que la còpies en espaci en blanc.)

Ager _____ eth darrèr entrenament abans dera corsa.

- a. haram
- b. auíem hèt
- c. hérem
- d. haríem

25. Eth narrador ja non ei tan amic de Rogèr com abans perque Rogèr...

- a. s'a portat mau damb eth fòrça viatges.
- b. un dia li hec ua mala passada.
- c. un dia l'enganhèc.
- d. jamès a estat eth sòn amic.

26. Qué vò díder eth narrador damb se *li aluguèc ua lum vermelha en cervèth?* Que tot d'un còp...

- a. pensèc que Rogèr se n'arrie d'eth.
- b. se preocupèc peth sòn amic.
- c. se trobèc ben cansat.
- d. se hec mau.

27. Triga era opcion corrècta entà completar era frasa. (Non cau que la còpies en espaci en blanc.)

Reculè entà veir se lo vedia, _____ non lo trobè.

- a. e tanben
- b. sense
- c. senon
- d. mès

TÈXTE 2

28. A continuacion as ues frases que s'identifiquen damb es letres A-B-C-D. Triga era opcion corrècta que les ordene segontes eth tèxte:

A.

S'explique eth
recorрут dera
corsa.

B.

Se conde com
cerque a Rogèr
peth bòsc.

C.

Se descriu
a Bet.

D.

Se conde era
desaparicion de
Rogèr.

- a. A → B → C → D
- b. A → C → D → B
- c. D → C → B → A
- d. D → A → C → B

29. Eth dia dera corsa eth narrator ei plen d'esgarrapades perque...

- a. s'a pelejat damb Rogèr apròp d'ues arrominguères.
- b. a queigut dessús des arrominguères quan corrie.
- c. a rescatat a Rogèr des arrominguères.
- d. bracaue ues arrominguères.

30. Rogèr convide as sòns amics a cuéller mores perque...

- a. a hame.
- b. li agrada fòrça aguesta fruta.
- c. se tròbe mau e non sap se qué ditz.
- d. vò demostrar qu'ei arregraït.

REDACCION

Escriu un minimom de 10 linhes. S'escriues mens linhes non se te corregirà era redaccion e se veirà afectada era tua puntuacion. Pòs demanar ua huelha entà hèr un brolhon o un esquèma. Quan ages acabat, torna-la a liéger e corregís aquerò que calgue.

Es mainatges e mainades dera tua classa auetz hèt un blòg entar aranés. Tu i vòs participar escriuent sus eth jòc que mès t'agrade. Explica quin ei eth tòn jòc de taula preferit. Ditz quin nòm a eth jòc, en qué consistís, damb qui jògues abituaument e perqué t'agrade.

Escriu eth títol dera tua redaccion.

0-1-2
 CA

0-1-2
 L

0-1-2
 FO O

0-1-2
 M

0-1-2
 AF

AVALORACION DERA PRÒVA

Com avalores era dificultat d'aguesta pròva?

<input type="checkbox"/> Ben facilita	<input type="checkbox"/> Facilita	<input type="checkbox"/> Dificila	<input type="checkbox"/> Ben dificila
1	2	3	4

Gràcies pera tua collaboracion.



Consell Superior
d'AVALUACIÓ
del Sistema Educatiu

1-2-3-4
 aq